

XXVIII.

PIUS II. Pont. Max. Omnia
suorum Prædecessorum Priuilegia Mo-
nasterio Albenſi conceſſa,
confirmat.

A. C. 1459.

Pius Episcopus Seruus Seruorum Dei, Dilectis
filijs Abbati & Conuentui Monasterij de Alba Domi-
norum Cisterciensis Ordinis, Spirensis Diæcesis, Salutem &
Apostolicam benedictionem. Cum à nobis petitur quod iu-
stum est, vel honestum, tam vigor æquitatis, quam ordo exigit
rationis, ut id per sollicitudinem officij nostri ad debitum per-
ducatur effectum, Ea propter Dilecti in Domino filij, Deuotis
vestris, ac Dilecti filij, Nobilis viri Caroli Marchionis Badensis
nobis nuper super hoc porrectis supplicationibus, grato con-
currentes assensu, Omnes libertates, Immunitates à Prædeces-
soribus nostris Romanis Pontificibus, siue per Priuilegia, vel
per alias Indulgentias vobis & Monasterio vestro de Alba Do-
minorum, Cisterciensis Ordinis, Spirensis Diæcesis conceſſas,
nec non libertates & Exemptiones sæcularium exactionum, à
Regibus & Principibus, ac alijs Christi fidelibus rationabiliter
vobis ac præfato Monasterio vestro indultas, Omnes quoque &
singulas incorporationes Parochialium Ecclesiarum, per Se-
dem Apostolicam, & Ordinarios, ac Archidiaconos quauis
auctoritate factas, ac Concessiones & donationes Decimarum
ac Iurispatronatus earundem & aliarum Ecclesiarum, ac be-
neficiorum Ecclesiasticorum, per quasuis Ecclesias, Ecclesiasti-
cas, ac etiam Laicales personas, vobis & præfato Monasterio
quomodolibet factas, sicut ea & eas pacificè & iustè possidetis,

A a 3 vobis

vobis & præfato Monasterio vestro tenore præsentium Apostolica auctoritate confirmamus & approbamus, ac præsentis Scripti patrocinio communimus. Supplentes omnes defectus, si qui forsan interuenerint in eisdem. Et nihilominus vobis & præfato Monasterio vestro quascunque Decimastam Ecclesiasticas, quam Laicales per viam Emptionis, Donationis, Cessionis, Permutationis, seu ex pijs Legatis, aut alijs iustis modis acquirendi & adipiscendi, nec non acquisitas & adeptas per vos retinendi & possidendi licentiam & auctoritatem eadem auctoritate concedimus per præsentem. Nulli ergo hominum liceat hanc paginam nostræ confirmationis, approbationis, cõmunitionis & concessionis infringere vel ei ausu temerario contraire. Si quis autem hoc attemptare præsumpserit, indignationem Omnipotentis Dei, & Beatorum Petri & Pauli Apostolorum eius se noverit incursurum. Datum Mantuæ. Anno Incarnationis Dominicæ, Millesimo Quadringentesimo, Quinquagesimo, Nono. Tertio Kal. Decembris, Pontificatus nostri Anno Secundo.

XXIX.

PIVS II. Pont. Max. Abbati Albenſi concedit facultatem, Mitrà, aliisque Pontificalibus Insignijs vtendi; Benedictionem item solennem elargiendi: ac quoq; vasa, vestes, Pallas, & alia ornamenta benedicendi.

A.C. 1459.

PIVS Episcopus Seruus Seruorum Dei,
Dilectis filijs Iohanni Abbati & Conuentui Monasterij de Alba Dominorum Cisterciensis Ordinis